

四庫全書

集部

欽定四庫全書

集部

蘇詩補註卷十九

詳校官庶吉士<sub>臣</sub>李傳熊

檢討臣何思鈞覆勘

總校官原任中允<sub>臣</sub>王燕緒

校對官中書<sub>臣</sub>牛稔文

謄錄監生<sub>臣</sub>畢桂

欽定四庫全書

蘇詩補註卷十九

翰林院編修查慎行撰

古今體詩五十首

起元豐己未五月盡十二月作

慎按元豐二年四月二十九日先生到湖州

任七月二十八日中使到湖追攝八月十八

日赴臺獄十二月二十八日獄具謫黃州團

練副使在獄出獄詩共十一首施氏原本編

遺詩卷中胡仔云此數詩東坡不欲傳于世

蓋手自芟者今從編年例附入湖州以後

雲上訪道人不過

花光紅滿欄草色綠參岸不逢青眼人長歌白石澗

一作

爛

慎按此詩施氏原本不載新刻載續補下卷  
據外集編湖州卷中題云雲上訪道人不過  
諸本作靈上者訛今改正移編

李公擇過高郵見施大夫與孫莘老賞花詩憶與

僕去歲會于彭門折花餽筍故事作詩二十四韻  
見戲依韻奉荅亦以戲公擇云

汝陽真天人絹帽著紅槿纏頭三百萬不買一笑哂共  
誇青山峯曲盡花不隕當時謫仙人逸韻謝封畛詩成  
天一笑萬象解寒窘驚開小桃杏不待雷發軫餘波尚  
涓滴乞與居易稹爾來誰復見前輩風流盡寂寞兩詩  
人殘紅對櫻筍饑腸得一醉妙語傳不泯君來恨不與  
更復相牽引我老心已灰空煩扇餘燼天游照六鑿虛

室掃充牣懸知色竟空那復嗜烏吻蕭然一方丈居士

老龐蘊散花從滿械不答天女問故人猶故目一作怨

句寫餘懷疑我此心在遮防費欄楯應虞已斃蛇折尾

時一蠹仄聞孟光賢未學處仲忍公自注開閣放寄招

應已足左右侍雲鬢何時花月夜羊酒謝不敏此生如

幻耳戲語君勿愠應同亡是公一對子虛听

折花餽筍

先生任徐州有送筍芍藥與公擇詩見第十六卷

汝陽

舊唐書讓皇帝長子

璵封汝陽郡王

天人

裴松之三國志注引魏畧云邯鄲淳見曹植才辨謂之天人杜甫贈特進汝陽

王詩特進羣公櫻筍韓偓食含桃詩自注云秦中謂表天人夙德升櫻筍三月為櫻筍時南部新書引李

綽泰中歲時記四月十五以後自堂厨至百司厨通謂之櫻筍厨施氏補注專屬宰相者訛欄楯

彌陀經極樂國土七重欄楯注云橫曰欄直曰楯烏吻本草烏喙即草烏頭也

慎按唐書藝文志有南卓羯鼓錄一卷考吳

興志卓德宗朝人與張志和同時有和漁父

詞五首施氏補註所引羯鼓錄訛南卓為南

京不止一處附辨于此

王鞏清虛堂

清虛堂裏王居士閉眼觀心

一作身

如止水水中照見萬

象空敢問堂中

一作前

誰隱几吳興太守老且病堆案滿

前長渴睡願君勿笑反自觀夢幻去來殊未已長疑安  
石恐不免未信犀首終無事勿將一念住清虛居士與  
我蓋同耳

清虛堂

汴京遺跡志清虛堂在開封府城東子由記畧云王定國為堂于居室之西置圖史百物

而名曰清虛蕭然如山林高僧逸居忘其在京師塵土之鄉也及其經涉世故出入禍患乃發篋出其玩好投以予人意其觀身如止水

用楞嚴經中真清虛者在焉觀身如止水月光童子事



次韻答王鞏

我有方外客，顏如瓊之英。十年塵土窟，一寸冰雪清。竭  
來從我遊，坦率見真情。顧我無足戀，戀此山水清。新詩  
如彈丸，脫手不暫停。昨日放魚回，衣巾滿浮蘋。今日扁  
舟去，白酒載烏程。山頭見月出，江路聞鼉鳴。莫作孺子  
歌，滄浪濯吾纓。吾詩自堪唱，相子棹歌聲。

慎按此詩施氏原本編入彭城卷中細觀詩  
語極道山水之勝當是先生守湖州定國復

來相訪與清虛堂詩同時作也若在彭城不  
應有白酒載烏程之句故改編於此

和孫同年卞山龍洞禱晴

吳興連月雨金甌生魚蛙往問卞山龍曷不安厥家梯  
空尚一作上巉絕俯視驚谿舂神井湧雲蓋陰崖垂蘚花

交流百道泉赴谷走羣蛇不知落何處隱隱如縲車我  
來叩石戶飛鼠翻白鴉寄語洞中龍睡味豈不嘉雨師  
少弭節雷師亦停撾積水得反壑稻苗出泥沙農夫免

菜色龍亦飽豚豕看君擁黃紬高卧放晚衙

孫同年

名失考

卞山龍洞

吳興掌故集卞山有一石上大而末小危立如幢旁有洞

深叵測相傳神龍居之黃魯直書黃龍洞三字名勝志引山墟名云卞山之陰有黃龍洞吳越時立祥應

宮以祀之神井

談鑰吳興志黃龍洞在城北十八里舊名金井梁貞明初有黃龍見于井中易今名

歲以五月二十日致祭

慎按吳興備志公手書此詩當時刻石置黃龍洞後移府中明正德朝郡守呂某為跋今石猶在郡署聽後事

乘舟過賈叟水閣收不在見其子三首

愛酒陶元亮能詩張志和青山來水檻白雨滿漁蓑淚  
垢添丁面貧低舉案蛾不知何所樂竟夕獨酣歌

賈收水閣

茗溪漁隱叢話賈耘老舊有水閣在茗溪之上沈會宗為賦小詞吳興掌故集賈收

所居名浮暉閣

添丁舉案

本集與耕老尺牘云念賈處士貧甚乃作怪石古木一紙可令雙荷

葉收掌須添丁長以付之也又本集戲贈賈收詩第二首公自注云賈將再娶今云貧低舉案蛾則賈此

時已再娶矣

嫋嫋風蒲亂猗猗水行長小舟浮鴨綠大杓瀉鵝黃得  
意詩酒社終身魚稻鄉樂哉無一事何處不清涼

曳杖青苔岸繫船枯柳根德公方上冢  
李路獨留言已占蒲魚港更開松菊園  
從茲來往數兒女自磨門

次韻孫祕丞見贈

感慨

一作慨

清哀

一作衷

似變風老子詩句耳偏聰迂疎自

笑成何事冷淡誰能用許功不怕飛蚊如立豹肯隨白  
鳥過垂虹吟哦相對忘三伏擬泛水溪入雪宮

公自注湖州多

蚊蚋豹脚尤毒  
垂虹吳江亭名

孫祕丞

名失考按宋史職官志祕書省丞從七品位次少監下

飛蚊如豹

齊東野語

吳興多蚊蓋水蟲之所變生草木中者吻尤利而足有文采號為豹脚

白鳥

夏小正丹鳥螢也蓋

白鳥謂螢以蚊為糧施氏補注又引金樓子云白鳥蚊也○慎按詩中所云白鳥乃鷗鷺之類蓋上句既

用飛蚊本句白鳥若再作蚊蚋解于義重複非作者本旨也

### 與客遊道場何山得鳥字

清溪到山盡飛路盤空小紅亭與白堦隱見喬木杪中  
休得小菴孤絕寄雲表洞庭在北戶雲水天渺渺菴僧  
俗緣盡淨業洗未了十年畫鵲竹益以詩自繞高堂儼  
像設禪室各深窈奔泉何處來華屋過溪沼何山隔幽

谷去路清且悄長松度翠蔓絕壁挂啼鳥我友自杭來  
尚歎所歷少歸途風雨作一洗紅日燎俄驚萬竅號黑  
霧卷蓬蓼舟人紛變色坐羨輕鷗矯我獨喚酒杯醉死  
勝流殍書生例強狠造物空煩擾更將掀舞勢把燭畫  
風篠美人為破顏正似腰支嬾公自注歸自道場何山遇大風因憩耘老溪亭  
命官奴秉燭捧硯寫風竹一枝明朝更一作便陳迹清景墮空杳作詩記  
餘歡萬古一昏曉

白塢

朱或謂州可談云宋熙寧中有老僧言道場山在州之離方文筆山也低于他山故未有魁天

下者僧乃乞緣即山背建塢望之如卓一筆其後大觀賈安宅政和莫儔相繼為廷試魁。按詩中所云白塢即山巔浮圖也施氏本引白塢。卷有白石塢與道場山無涉今駁正。

慎按更將掀舞勢四句諸刻本另作五言絕句一首明屬重出今移原題作四句注脚以正向來之謠

僕去杭五年吳中仍歲大饑疫故人往往逝去聞湖上僧舍不復往日繁麗獨淨慈本長老學者益盛作詩寄之



來往三吳一夢間故人半作冢纍然獨依舊社傳真法

要與遺民度厄年趙叟近聞還印綬

公自注聞資政趙公致政得謝竺

翁先已反林泉何時策杖相隨去任性逍遙不學禪

淨慈

咸淳臨安志南山報恩寺即淨慈寺顯德元年建初號慧日永明院中有五百羅漢堂

本

長老

釋氏稽古畧元豐初蘇州瑞光寺禪師名宗本移杭淨慈寺奔走禪子道場甚盛

趙叟

還印綬

咸淳臨安志熙寧十年五月趙抃自知越州以資政殿大學士移知杭州清獻公神道碑

云公年未七十告老不許請之不已

竺翁

指辨才公在徐州有

間辨才復歸上天竺詩施氏注謂指本長老者訛

舶棹風并引

吳中梅雨既過颯然清風彌旬歲歲如此湖人謂之  
舶棹風是時海舶初回云此風自海上與舶俱至云  
爾

三旬已過黃梅

梅一作黃

雨萬里初來舶棹風幾處縈回度

山曲一時清駛滿江東驚飄較較先秋葉喚醒昏昏嗜

睡翁欲作蘭臺快哉賦却嫌分別問雌雄

舶棹風

庚

漢詩話吳中每暑則東南風數日名舶棹風云海外舶船禱于神而得之乘此風到江

浙間也余官吳門庚午六月既望風作踰旬而止暑氣頓減丙子歲余罷官寓居無錫六月晦前三日此風作凡七日乃止按坡詩則當在五月或六月初而余兩見之乃在六月望後與六月晦前節氣有早晚也

### 黃梅雨

埤雅江湘兩浙四五五月梅欲黃落則水潤土溽其霏如霧名曰梅雨自江以南三月

雨謂之迎梅五月雨謂之送梅

劉須溪曰先生詩格固豪放老健至對偶切處如黃耳輩對白芽薑牛尾狸對雞頭鶻今以舶趠風對黃梅雨或者謂因事請客然原其句意每每相貫

### 丁公默送蝻蚱

溪邊石蟹小于

一作如

錢喜見輪囷赤玉盤半殼含黃宜

點酒兩螯斫雪勸加餐蠻珍海錯聞名久怪雨腥風入

坐寒堪笑吳興饒太守一詩換得兩尖團

丁公默

爵里失考

石蟹

蟹譜明越溪澗石穴中出小蟹其色赤而堅俗呼為石蟹

小于

錢

博物志南海有水蟲名蒯其中有小蟹大如榆英又廣志蝟小蟹大如貨錢

赤玉盤

大觀

本草生南海中其螯最銳斷物如菱刈扁而最大後足濶者名蝟蚌南人謂之撥棹子大者如升如盤小者如盞標兩螯如手異于衆蟹一名執火其色赤也咸淳臨安志蝟蚌鹽官產者佳

含黃

吳興掌故

集蟹子未成時曰黃甲有細骨黃依以生入海則黃化為子而芒亦漸長至春深散子則芒亦輸出蟹腐

矣海錯

禹貢海物惟錯

尖團

唐彦謙蟹詩謾誇風味過蝟蚌尖臍猶勝團臍好

送孫著作赴考城兼寄錢醇老李邦直二君於孫  
處有書見及

使君閒如雲欲出誰肯伴清風獨無事一嘯亦可喚來  
從白蘋洲吹我明月觀門前遠行客青衫流白汗問子  
何匆匆王事不可緩故人錢與李清廟兩圭瓚尉為萬  
乘器尚記溝中斷子亦東南珍價重不可算別情何以  
慰酒盡對空案惟持一榻涼勸子巾少岸此風那復有  
塵土飛灰炭欲寄二大夫發發不可絆

孫著作

名失考按宋史職官志秘書省有著作郎及佐郎

錢李

錢醇老名藻李邦直名清

臣注

考城

水經注考城周之采邑春秋戴國陳留風俗傳曰秦穀縣也後改留縣名勝志漢顯

宗東巡改為考城今河南睢州之屬縣

白蘋洲

白居易五亭記湖州城東南二百步抵雪溪

連汀洲一名白蘋吳興掌故集其名起于柳惲之詩光起中李師悅廢而為倉太平寰宇記白蘋洲在霅

溪東南去

明月觀

夢錫湖州志府治有明月樓在子州治一里城西南隅唐貞元十三年建梅聖

俞吳興五咏明月樓其一也吳興備志引王氏畫苑有李伯時所畫水晶宮明月館圖王氏注謂在江寧

府故臺城者

發發

詩飄風發發漢書發發者非古風也

泛舟城南會者五人分韻賦詩得人皆苦炎字四

首

城中樓閣似魚鱗不見清風起白蘋  
試選茗溪最深處  
仍呼我輩不羈人  
窺船野鶴何曾下  
見燭飛蟲空自馴  
遶郭荷花一千頃  
誰知六月下塘春

茗溪

咸淳臨安志引祥符志云茗溪濶七十六步秋冬深五尺春夏深九尺山海經云天目山一名

浮玉山山茗溪出馬在於潛臨安兩縣界耆老相傳云夾岸多茗花每秋風飄散水上如飛雪然因名遶

郭荷花

吳興掌故集引姜白石云吳興號水晶宮荷花極盛陳簡齋詞云今年何以報君恩一路

荷花相送到青墩亦可見矣

下塘

梅堯臣送胡武平詩始時繞郭水不通蹄輪公來作新塘直

抵吳淞程大昌演繁露湖州東門外上塘路武平  
始築也咸淳臨安志上下塘河南自天宗水門餘杭  
水門二河合于北郭稅務前與城東水合分為兩派  
一由東北上塘入大運河一由西北過江漲橋以北  
入安吉州界  
曰下塘河

苦熱誠知處處皆何當危坐學心齋  
海螯要共詩人把  
溪月行遭霧雨霾鄉國飄零斷書信  
弟兄流落隔江淮  
便應築室苕溪上荷葉遮門水浸堦

紫蟹鱸魚賤如土得錢相付何曾數  
碧筩時作象鼻彎  
白酒微帶荷心苦運肘風生看斫鱸  
隨刀雪落驚飛縷



不將醉語作新詩飽食應慙腹如鼓

得錢

杜甫詩溪女得錢留白魚

斫鱸

吳興掌故集湖人往時善斫鱸縷切如絲簇成人物花草

雜以姜桂山谷云吳興庖人砍松江鱸鱠則吳興所繪之名遠矣七啟輕隨風飛刀不轉切潘岳西征賦

饔人細切鸞刀若飛即此也

橋上游人夜未厭共依水檻立風簷樓中煮酒初嘗芡

月夜

一作下

新粧半出簾南郭清游繼顏謝北窓歸卧等

義炎人間寒熱無窮事自笑疎頑不受疔

疔

左傳齊侯疥遂疔杜預注疔瘡疾也

與王郎夜飲井水

一作贈王郎

吳興六月水泉溫千頃菰蒲聚鬪一作暗蚊此井獨能深

一丈源龍如我亦如君

王郎

名適字子立注見前

慎按外集題工有湖州二字詩中源龍作龍源如我作如故

次韻李公擇梅花

詩人固長貧日午飢未動偶然得一飽萬象困嘲弄尋  
花不論命愛雪長忍凍天公非不憐聽飽即喧闐君為

三郡守所至滿賓從江湖常在眼詩酒事豪縱奉使令  
折磨清比於陵仲永懷茶山下攜妓修春貢更憶檻泉  
亭插花雲髻重蕭然卧瀟灑愁聽春禽咲忽見早梅花  
不飲但孤諷詩成獨寄我字字愈頭痛嗟君本侍臣筆  
橐從上雍脫鞞吟芍藥給札賦雲夢何人慰流落嘉謫  
天為種杯傾笛中吟一作曲帽拂果下鞵感時念羈旅此  
意吾儕共故山令一作亦何有桐花集么鳳君亦憶匡廬  
歸掃藏書洞何當種此花各抱漢陰甕

三郡守

宋史李常傳熙寧中自諫院出守鄂州未幾徙湖州又自湖移知齊州

茶山修

貢

吳興備志常州宜興縣東南有茶山唐時茶入貢又名唐貢山杜牧之湖州詩山實東南秀茶稱瑞

草魁剖符雖俗吏修貢亦仙才

檻泉亭

在濟南樂城集中有和孔毅授濟南四咏其一為檻泉亭

李公擇曾知齊州故云施氏補注引爾雅失之矣

卧瀾麓

公擇時提點淮南西路刑獄提刑司

在舒州九域志舒州瀾山縣漢移南岳于此

送淵師歸徑山

我昔嘗為徑山客至今詩筆餘山色師住此山三十年  
妙語應須得山骨谿城六月水雲蒸飛蚊猛捷如花鷹

羨師方丈冰雪冷蘭膏不動長明燈山中故人知我至  
爭來問信今何似為言百事不如人兩眼猶能書細字

公自注徑山夏無蚊余舊詩云問  
龍乞水歸洗眼欲看細字銷殘年

送表忠觀錢道士歸杭并引

熙寧十年詔以龍山廢佛祠為表忠觀元豐二年通  
教自杭來見予于吳興問觀亦卒工乎曰未也杭人  
比歲不登莫有助我者余曰異哉杭人重施輕財是  
不獨為福田也將自托于不朽令歲成矣子其行乎

及還作詩送之

先王舊德在民心著令稱忠上意深墮淚行看會祠下  
挂名爭欲刻碑陰淒涼破屋塵凝坐憔悴雲孫雪滿簪  
未信諸豪客郭解却從他縣施千金

表忠觀

咸淳臨安志表忠觀在城南龍山熙寧十年  
清獻公請于朝即龍山廢佛刹妙因院為

觀詔賜額曰表忠  
詳具蘇公所撰碑

墮淚

趙抃奏疏云錢氏墳廟在錢  
塘者二十有六在臨安者十

有一父老過  
之有流涕者

碑陰

施氏原注表忠觀碑文實東坡為  
之挂名爭欲刻碑陰之句指此碑

也雲孫

商雅昆孫之子為仍孫仍孫之  
子為雲孫按指通教錢道士也

次韻周開祖長官見寄

俯仰東西閱數州老於岐路豈伶優初聞父老推謝令

旋已

一作見

兒童迎細侯政拙年年祈水旱民勞處處避

嘲謳河吞巨野那容塞盜入蒙山不易搜仕道固應慚

孔孟扶顛未可責由求漸謀田舍猶懷祿未脫風濤且

傍洲惘惘可憐真喪狗時時相觸是虛舟竭來震澤都

如夢只有苕溪可倚樓齋釀酸甜如蜜水樂工零落似

風甌遠思顏柳并諸謝近憶張陳與老劉

公自注謂張子野陳令舉

劉孝叔風定軒窗飛豹脚雨餘欄檻上蝸牛舊游到處皆

蒼蘚同甲惟君尚黑頭憶昔湖山共尋勝相逢杯酒兩忘憂醉看梅雪清香過夜棹風船駭汗流百首共成山

上集三人同作月中遊海南未起垂天翼澗底仍依徑

寸床已許春

一作秋

風歸過我

一作便得

預憂詩筆老難酬

此生歲月行飄忽晚節功名亦謬悠犀首正緣無事飲

馮驩應為有魚留從今更

一作便

踏青州麴薄酒知君笑

督郵



周開祖

名邠先生倅杭時周為錢塘令多唱和詩又

自錢塘赴闕復出宰樂清故云海南未起垂河吞巨

野公

在徐

盜入蒙山

公在密

張陳老劉

張子野名先

俞劉孝叔名述注詳見前先生罷杭倅赴密李公擇

時知湖州先生與令舉輩過之子野作六客詞見樂

序豹脚

苔溪漁隱叢話吳興澤國也春夏之交地尤

脚雨餘欄檻上

蛸牛真紀實也

烏臺詩案元豐二年六月十三日軾知湖州有周邠

作詩寄軾軾答云政拙年年祈水旱民勞處處避嘲

役數起民蒙其害以譏諷朝廷政事闕失並新法不便之所致也仕道二句云云以言已仕而道不行則非仕道也故有慙于孔孟子責由求云危而不持顛而不扶則將焉用彼相矣顛謂顛仆也意以譏諷朝廷大臣不能扶正其顛仆軾在臺于九月十四日准問目有無未盡事軾供出上件詩因依不係朝旨降到冊子內

林子中以詩寄文與可及余與可既沒追和其韻  
斯人所甚厭投畀每不受欲其少須臾奪去唯恐後云  
誰尸此職無乃亦假守賦才有巨細無異斛與斗胡不  
安其分但聽物所誘時來各飛動意合無妍醜坐令雞

棲車長載朱伯厚平生無一旅既死咤萬口自聞與可  
亡胸臆生堆阜懸知臨絕意要我一執手相望五百里  
安得自其牖遺文付來哲後事待諸友伶俜嵇紹孤老  
病孟光偶世人賤目見爭笑千金帚君詩與楚詞識者  
當有取但知愛墨竹此歎吾已久故人多厚祿能復哀  
君否不見林與蘇饑寒自奔走

林子中

宋史林希字子中福州人第進士元祐初歷  
進中書舍人紹聖初章惇用事時方推明紹

述希皆密豫其議自司馬光呂公著呂大防劉摯蘇  
軾轍等數十人之制皆希為之詞極醜詆讀者無不

憤嘆遷吏部禮部尚書擢同知樞密院徽宗立以其  
詞命醜正之罪奪職知揚州徙舒州卒贈資政殿學

士謚與可亡按文湖州墓志與可以元豐戊午移知湖州卒先生作詩在己未相距纔一年

耳嵇紹孤與可之子字逸民子由壻也

與王郎昆仲及兒子邁遶城觀荷花登峴山亭晚  
入飛英寺分韻得月明星稀四首

昨夜雨鳴渠曉來風襲月蕭然欲秋意谿水清可啜環

城三十里處處皆佳絕蒲一作蓮浩如海時見舟一葉

此間真避世青莢低白髮相逢欲相問已逐鷺鷥沒

峴山亭

韻語陽秋吳興峴山去城三里李適之漢尊亭勞鑑湖州志晉太守殷康築亭于顯山

上名曰顯亭後避廟諱改焉凡守令之去而見思者勒石峙亭以比羊叔子之峴山云飛英寺

勞鑑湖州志飛英寺在府城北門內唐咸通中僧雲皎自長安來得舍利建飛英石塢中和五年改上來

寺景德二年改今額後分為二東曰飛英教寺西曰飛英塢院

清風定何物可愛不可名所至如君子草木有嘉聲我行本無事孤舟任斜橫中流自偃仰適與風相迎舉杯屬浩渺樂此兩無情歸來兩溪間雲水夜自明

君子風

風俗通風或清明來久長不搖樹木離地二三丈者此謂龍德在于下風或清明不及二

三尺者此  
君子風也

茗水如漢水鱗鱗鴨頭青吳興勝襄陽萬瓦浮青冥我  
非羊叔子媿此峴山亭悲傷意則同歲月如流星從我  
兩王子高鴻插修翎湛輩何足道當以德自銘

湛輩

鄒湛字潤甫洪容齋題跋云晉代名臣文集凡十四家有張敏者太原人其中一篇云頭責子

羽文凡九百餘言鄒湛姓名因羊叔子而傳字曰潤甫蓋見于此。按元和郡縣志云羊叔子鎮襄陽與鄒潤甫同登峴山湛之字世亦有稱之者矣

吏民憐我嬾鬪訟日已稀能為無事飲可作不夜歸復

尋飛英游盡此一寸暉撞鐘履聲集顛倒雲山

一作雲衣

我來無時節杖屨自推扉莫作使君看外似中已非

撞鐘

楞嚴經食辦擊鼓衆集撞鐘

次韻章子厚飛英留題

欸段曾陪馬少游而今人在鳳麟洲黃公酒肆如重過  
杳杳白蘋天盡頭

慎按宋史章惇本傳熙寧中出知湖州徙杭  
州入為翰林學士元豐三年拜參知政事先

生來吳興正子厚為翰林學士時也故云而  
今人在鳳麟洲此詩施氏原本不載新刻編  
續補遺下卷今因題附錄

城南縣尉水亭得長字

兩尉鬱相望東西

一作南

百步場揮

一作插

旗蒲柳市伐鼓

水雲鄉已作觀魚檻仍開射鴨堂全家依畫舫極目亂  
紅粧湫湫波頭細疎疎雨脚長我來閒濯足溪漲欲浮  
牀澤國山圍裏孤城水影旁欲知歸路處韋外記風檣



縣尉

趙與時賓退錄隋改縣尉為縣正又為書佐新唐書武德元年仍改書佐曰縣尉唐六典諸州

上縣尉各二人宋史職官志千戶以上縣置令簿尉若不置簿則以尉兼之五代多用軍校大為民患太

祖以初賜第人充掌

水亭

吳興掌故集載顏魯公記畧云湖州烏程縣南水亭

即柳惲之西亭也繚以遠峯浮以清流實資游宴之美陸羽圖記云西亭在縣南六十步跨茗溪為之

### 與胡祠部遊法華山

陂湖欲盡山為界始見寒泉落高派道人未放泉出山  
曲折虛堂瀉清快使君年老尚兒戲綠棹紅船舞澎湃  
一笑翻杯水濺裙餘歡濯足波生隘長松攬天龍起立

蒼藤倒谷雲崩壞，仰穿蒙密得清曠。一覽震澤吁可怪，  
誰云四萬八千頃。渺渺東盡日所矚，歸途十里盡風荷。  
清唱一聲聞露薤。公自注是日樂工有作此聲者嗟予少小慕真隱，白  
髮青衫天所械。忽逢佳士與名山，何異枯楊便馬疥。君  
猶鸞鶴偶飄墮，六翮如雲豈長鍛。不將新句紀茲游，恐  
負山中清淨債。

胡祠部

名失考按宋史職官志禮部所屬祠部郎中從六品員外郎正七品

法華山

湖州

志卞山之別峯有石斗山又名法華山下有法華寺

一覽震澤

吳興掌故集法華寺高頂有臨

湖亭勞鉞湖州志太湖周三萬六千頃縱廣  
二百八十里東為松江又東流二百里入海東盡日

所曬

因學紀聞引楚漢春秋下蔡亭長詈淮南王曰  
封汝爵為千乘東南盡日所出尚未足黔徒羣

盜所耶而  
反何也

枯楊馬疥

五燈會元僧問仁岳禪師一大  
藏教盡是名言離却名言如何

指示師曰癩  
馬指枯柳

### 又次前韻贈賈耘老

具區吞滅三州界浩浩湯湯納千派從來不著萬斛船  
一葉漁舟恣奔快仙壇古洞不可到空聽餘瀾鳴泮泮  
今朝偶上法華嶺一作頂縱觀始覺人寰隘山頭卧碣吊

孤冢下有至人僵不壞空餘白棘網秋蟲無復青蓮出

幽怪

公自注事見本院碑

我來徙倚長松下欲掘茯苓親洗曬聞

道山中富奇藥往往靈芝雜葵薤詩人空腹待黃精生

事只看長柄槭

公自注子美詩云長鏡長鏡白木柄我生托子以為命

今年大熟

期一飽食葉微蟲真癰疥

公自注賈云今歲有小蟲食葉不甚為害

白花半

落紫穗香攘臂欲助磨鎌鍛安得山泉變春酒與子一

洗尋常債

三州界

勞鉞湖州志太湖歸墟一名納千派王鏊震澤兼跨蘇常湖三州之界澤編北

曰百瀆納建康常潤之水南曰仙壇古洞庭中人謂

仙壇之靈區有山頭卧碣寺有唐太光和尚神異碑

李紳不壞白居易詩身壞口長松前有松逕數里皎

然詩路入松聲遠更奇山光水色共參差中黃精菖

漁隱叢話杜詩黃精無苗後人所改也舊乃黃獨本

掘以充食故老杜云爾東坡云詩人空腹大熟書秋

待黃精則坡讀杜詩亦以黃獨為黃精矣大熟書秋

# 趙閑道高齋

見公奔走謂公勞聞公隱退云公高公心底處有高下  
夢幻去來隨所遭不知高齋竟何義此名之設緣我曹  
公年四十已得道俗緣未盡餘伊臯功名富貴俱逆旅  
黃金知繫何人袍超然已了一大事挂冠而去真秋毫  
坐看猿猱落置一作罔一作兩手未肯置所操乃知賢達與  
愚陋豈直相去九牛毛長松百尺不自覺企而羨者蓬  
與蒿我欲贏糧往問道未應舉臂辭盧敖

趙閱道

東都事畧趙抃字閱道衢州西安人元豐二年致仕退居于衢有溪石松竹之勝與山僧

野老游不復有貴勢也居六年卒謚清獻。施氏原  
注趙清獻為侍御史京師目為鐵面御史知成都以  
一琴一鶴自隨為政簡易擢參知政事時王介甫行  
新法閱道屢斥其不便最後上言制置條例司遣使  
者四十輩騷動天下安石強辨自用詆天下之公論  
以為流俗違眾罔民順非文過奏入懇乞去位拜資  
政殿學士知杭州移青再帥蜀歸知高齋施氏原注  
越州復徙杭遂致仕薨年七十七  
老而歸也錢塘州宅之東舊據城闔橫為屋下瞰虛  
白堂不甚高大而最超出州宅為州者多居之謂之  
高齋東坡守杭秦少章輩寓焉亦有留下高齋月明  
之句清獻既治室衢州其旁不遠數步亦有山麓此  
然而起即作別館其工亦名高齋。按以工  
二段皆施氏原本所有新刻刪去今補錄

附趙閱道自題高齋絕句二首

按清獻集退居十  
咏今錄高齋雙松

二首

軒外長溪溪外山捲簾空曠水雲間高齋有問如  
何樂清夜安眠白日閒

少時親手植雙松晝愛層陰夜聽風今日歲寒踰  
五紀也應心似主人翁

送俞節推

公自注汝尚之子汝尚字退翁。慎按  
俞汝尚宋史有傳諸本脫去汝字今補

正

吳興有君子淡如朱絲琴一唱三太息至今有遺音嗟



余與夫子相避如辰參

公自注退翁官于蜀余在京師余歸而退翁去及余官于吳興

則退翁亡矣

猶喜見諸郎窈然清且深異時多良士末路喪

初心我生不有命其肯枉尺尋

俞節推

吳興掌故集退翁之子俞節推名有任施氏原注以為名溫甫兩處互異存以備考吳

興君子

周必大題滕元發與退翁詩後云四朝國史于遺逸中立俞退翁傳大槩用孫莘老所作

墓表惟自西川召為御史力辭不拜墓表但云以闕員名傳乃云王介甫藉其清望使擊故老夫退翁清

德安肯妄發介甫用人寧不察此竊疑元發嘗倖湖州退翁郡人熟知其賢觀所贈詩可知當熙寧元年

神廟待元發方厚擢為中丞必舉臺屬退翁之名或以其薦是歲十二月元發改翰林明年春介甫得政

出之于外知幾而退是乃所以為退翁況舉主補外  
自應隨罷耶墓表不書其由華老亦嘗攻元發故也  
退翁元孫洪出示元發詩翰妄  
意如此又題溪堂集後亦云然

附子由作

樂城集題云送青州簽判俞退翁致仕還湖州

不作清時言事官海邦那復久盤桓  
早依蓮社塵緣少新就草堂歸計安  
富貴暫時朝露過江山故國水精寒  
宦游從此知多事收取楞伽靜處看

附俞退翁次韻

此詩亦見樂城集末附跋語云高祖郎中以侍御史召力辭不允解

組而歸先生作是詩送之高祖溪堂集中亦嘗廣和淳熙丁未澂假守筠陽謹刊篇末澂退翁之仍

孫也

釋屨從軍早濫官已衰能復尚盤桓  
邇來齒髮羞相問乞有衡茅寬自安  
使我襟懷遺內熱送君詩句襲人寒  
知誰便是知音者且作巖溪雪景看

慎按吳興備志俞汝尚有溪堂集四卷惜不傳今從樂城集采出附錄一章于此

### 次韻答孫侔

十年身不到朝廷欲伴騷人賦落英  
但得低頭拜東野不辭中路候淵明  
艤舟荅雪人安在卜築江淮計已成

千里論交一言足與君蓋亦不須傾

孫侔

宋史孫侔字少述真州人母盡孝屢舉進士及母病草終身不求仕與王安石友善安石為

相過真州待之如布衣交宋文鑑載林希所作孫少述傳云侔吳興人父及仕至簡州侔侔方四歲從其

母吳氏家揚州初名處字正之王安石自序所云淮之南有賢人焉曰正之余得而友之者也。慎按少

述本吳興人而家于揚與先生詩五六聯傾蓋楊誠正合宋史以為真州人者訛當從宋文鑑傾蓋楊誠

孔子與程子相見傾蓋而語鄒陽云傾蓋如故孫侔與東坡初不相識以詩寄坡坡和云與君蓋亦不須

傾此翻案法也

重寄

凜然高節照時人不信微官解浼君將濟謂能來阮籍

薛宣真

一作直

欲吏朱雲好詩衝口誰能擇俗子疑人未

遣聞乞取千篇看俊逸不將輕比鮑參軍

微官

施氏原注劉原父敞知揚州言孫侔孝弟忠信足以扶世矯俗詔以為揚州教授力辭沈文通

王陶韓維連薦之授忠武軍推官常州通判皆不就元豐三年命以通判致仕千篇

吳興備志孫侔

所著名  
徵士集

次韻和劉貢父登黃樓見寄並寄子由二首

清派連淮上黃樓冠海隅

一作

此詩尤偉麗夫子計魁

吾公自注劉世俗輕瑚璉巾箱襲武夫坐令乘傳遽奔

走為儲胥邂逅我已失登臨誰與俱貧貧倉氏粟身聽

治家撫會合難前定歸休試後圖腴田未可買

公自注本欲買

田于泗上今已不遂矣

窮鬼却須呼二水何年到雙洪不受臚至

今清夜夢飛轡策天吳

公自注此詩寄劉

計魁梧

錦繡萬花谷云史記張良傳魁梧注蘇林曰梧音悟東坡和夫字韻詩平聲押韻似訛趙

次公注蘇亦云然○慎按後漢書臧洪體貌魁梧注音吾杜甫詩魁梧秉哲尊曾文清詩亦有乃翁容貌

計魁梧之句皆作平聲用安得單據一說以坡公為訛耶

乘傳遽東都事畧劉攽傳熙寧中與安

石不合斥通判泰州又知曹州歷京東轉運使徙知  
兗毫二州吳居厚代為轉運使能奉法令致財賦追  
坐放廢弛黜之以先生詩考  
之正貢父為京東轉運時也 二水  
謂汴泗

與子皆去國十年天一隅數奇逢惡歲計拙集枯梧好

士餘劉表窮交憶灌夫不矜持漢節猶喜攬桓須清句

金絲合高樓雪月俱吟哦出新意指畫想前櫺  
公自注子由初

赴南京送之出東門登城上覽山川之勝 自寫千言賦  
云此地可作樓觀于是始有改築之意

新裁六幅圖  
公自注近以絹自寫子由黃樓賦為六幅圖甚妙 傳看一座聳勸

著尺書呼莫使騷人怨東流不到吳  
公自注此詩寄子由

附子由次韻二首

青山開四面白水繞三禺野濶時聞籟人閒舊據  
梧畫船留上客遺蹟問田夫事少日常飲才疎世  
未須決河初存至勝事偶相俱燕子卑無取滕王  
遠可撫飛濤隱埤堦落日麗浮圖同舍新持節專  
城敢遽呼未迎行部駕已放下淮艫試問登消暑  
自注吳興有消暑樓如何楚與吳

謁謁才名世駸駸日轉禺一時同接浙平昔共棲



梧攬轡真壯士擁旄良丈夫塵埃脫縑綬水石慰  
霜須勝地來相失清尊未暇俱射餘空見括鑄罷  
祇觀撫歸計何當決徂年貴早圖檻中終為食鞫  
上恥聞呼籲我牛羊毳平生一釣艫微官不須滿  
也復試遊吳

吳江岸

晚色兼秋色蟬聲雜鳥聲壯懷銷鑠盡回首尚心驚

吳江岸

宋宜興進士單錫水利書吳江岸界于吳松江震澤之間岸東則江岸西則震澤自慶厯

二年欲便糧運遂築此堤橫絕江流五六十里致震澤之水溢而不泄吳江岸之東水常低于岸西之水

一二尺

慎按此詩施氏原本不載新刻本編續補遺  
下卷考年譜公前後過吳江或在春夏之交  
或秋盡或冬杪今詩中所叙乃初秋景物當  
是已未七月攝赴臺獄時作故移于此

御史臺榆槐竹柏四首

榆

我行汴堤上，厭見榆陰綠。千株不盈畝，斬伐同一束。及居幽囚中，亦復見此木。蠹皮溜秋雨，病葉埋牆曲。誰言

霜雪苦生意，殊未足坐待春。

別本作秋記

風至飛英覆空屋。

御史臺

孫彥同職官分紀引漢官解詁注云：西京謂御史府亦謂之御史臺。江少虞事實類苑自

大夫至主簿並存六典舊式。宋史職官志：御史臺掌糾察官邪，肅正紀綱。其屬有三：一臺院，二殿院，三察

院。國初置推直官二人，專治獄事。凡推直有四：曰臺一推臺，二推殿，一推殿，二推殿，三推殿，四推殿。平中又置推勘官十

人。刑法志：凡羣臣犯法大者，多下御史臺。小則大理寺開封府鞠治。曾肇重修御史臺記：門北向，取陰殺

之義。李濂汴京遺蹟志：御史臺在京城內東，澄清街北。汴隄元和郡縣志：禹開汴渠以通淮泗。漢

永平初築隄隋煬帝更令自板渚引河入汴口  
又從大梁之東引汴達淮河畔樹之以榆柳

附子由次韻

秋風一何厲吹盡山中綠可憐凌雲條化為樵夫  
束凜然造物意豈復私一木置身有得地不問直  
與曲青松未必貴枯榆還自足紛然落葉下蕭條  
愧華屋

槐

憶我初來時草木向衰歇高槐雖經一作驚秋晚蟬猶抱

葉淹留未云幾離離見疎莢棲鴉寒不去哀叫饑啄雪  
破巢帶空枝疎影挂殘月豈無兩翅羽伴我此愁絕

抱葉

杜甫詩抱  
葉寒蟬靜

無翅羽

白居易詩奮  
飛無翅羽

附子由次韻

盛衰日相尋循環何曾歇攀條柔荑回首驚脫  
葉綠槐陰最厚零落今存莢千林一枯槁平地三  
尺雪草木何足道盈虛視新月微陽起泉下生意  
未應絕

竹

今日南風來吹亂庭前竹低昂中音會甲及紛相觸蕭然風雪意可折不可辱風霽竹已一作亦回猗猗散青玉

故山今何有秋雨荒籬菊此君知健否歸掃南軒一作三徑綠

中音會

莊子庖丁為解牛奏刀騞然莫不中音合于桑林之舞乃中經首之會

附子由次韻

故園今何有猶有百竿竹春雷起新萌不放牛羊

觸雖無朱欄擁不見紅塵辱清風時一過交夏響  
鳴玉淵明避紛亂歸嗅東籬菊嗟我獨何為棄此  
北窓綠

柏

故園多珍木翠柏如蒲葦幽囚無與樂百日看不已時  
來拾流膠一作肪未忍踐落子當年誰所種少長與我齒  
仰視蒼蒼幹所閱固多矣應見李將軍膽落溫御史

溫御史

指李定  
舒亶輩

慎按先生赴獄詩共十一首施氏原本止錄  
獄中遺子由二首出獄二首太皇太后挽詞  
二首入遺詩卷中此外俱不載胡仔茗溪叢  
話謂御史府諸詩先生意不欲傳於世故居  
世英家所刻前集無之施氏在南宋時故尚  
仍其舊今從續補卷中移入湖州以後黃州  
以前編年之例應爾也

附子由次韻



曲如山下藤脆若溪上葦春風一張王秋霜死則  
已胡為南澗中辛勤種柏子上枝撓雲霓下根絞  
泉齒伐之為梁棟歲月良晚矣白首閱時人君看  
柱下史

己未十月十五日獄中恭聞太皇太后不豫有赦  
作詩

庭柏陰陰晝掩門烏知有赦開黃昏漢宮自種三生福  
楚客還招九死魂縱有鋤犁及田畝已無面目見丘園

只應聖主如堯舜猶許先生作正言

太皇太后

東都事畧仁宗后曹氏贈韓王彬之孫贈吳王玘之女仁宗崩英宗即位詔軍國大

事請太后權同處分乃御內東門小殿垂簾聽政神宗即位尊為太皇太后

慎按此詩施氏原本不載新刻本載續補下

卷今移編

十月二十日恭聞太皇太后升遐以軾罪人不許

成服欲哭則不敢欲泣則不可故作挽詞二章

巍然開濟兩朝勲信矣才難十亂臣原廟固應祠百世

先王何止活千人和熹未聖猶貪位明德雖賢不及民  
月落風悲天雨泣誰將椽筆寫光塵

十月

東都事畧后妃世家曹太后崩于元豐二年十月二十日諸刻本題中多訛為十二月今刪去

二字以正

兩朝勲

宋史曹彬字國華真定靈壽人太祖開寶六年進檢校太傅七年平

江南拜樞密使太宗即位加同平章事從征太原加兼侍中太平興國三年進檢校太師尋封魯國公咸

平二年卒追封濟陽郡王諡武惠

原廟

本傳配享太祖廟庭

何止活千人

本傳乾德

二年伐蜀彬為都監所下郡縣諸將欲屠城以逞其欲彬申令戢下所至悅服開寶七年奉詔赴荆南發戰艦以彬為都部署八年師次秦淮彬每緩師冀李煜歸命使人諭曰事勢如此所惜者一城生聚城垂

克忽稱疾諸將來問疾彬曰惟諸公誠心自誓城克之日不妄殺一人則吾疾自愈矣明日城陷煜與其臣詣軍門降彬待以賓禮卒賴保全

未報山陵國士知遶林松柏已猗猗一聲慟哭猶無所萬死酬恩更有時夢裏天衢隘雲仗人間雨泪變彤帷  
關雎卷耳平生事白首累臣正坐詩

國士知

東都事畧蘇軾以詩得罪知必死慈聖太后違豫中聞之謂神宗曰當憶仁宗以制科得

軾兄弟甚喜曰吾為子孫得兩宰相今聞軾以作詩繫獄得非仇人中傷之据至于詩其過微矣吾疾勢

已篤不可以寬濫致傷中累臣坐詩烏臺詩案監察御史舒宣劄子  
和神宗涕泣軾由是得免

包藏禍心訕譴慢罵無復人臣之節未有如軾者也  
陛下發錢以本業貧民則曰贏得兒童語音好一年  
強半在城中陛下明法以課試羣吏則曰讀書萬卷  
不讀律致君堯舜知無術陛下興水利則曰東海若  
知明主意應教斥鹵變桑田陛下謹鹽禁則曰豈是  
聞韶解忘味邇來三月食無鹽其他觸物即事無不  
以譏謗為主旁屬大臣緣以指斥乘輿可謂大不恭  
矣御史中丞李定劄子軾自度不為朝廷獎用銜怨  
懷怒恣行醜詆見于文字或有燕蝠之  
譏或有竇梁之比訕上罵下法所不宥

子以事繫御史臺獄獄吏稍見侵自度不能堪死  
獄中不得一別子由故作二詩授獄卒梁成以遺

子由

聖主如天萬物春小臣愚暗自亡身百年未滿先償債

十口無歸更累人

一作到

處青山可埋骨他年夜雨獨

傷神與君世世為兄弟又結來生未了因

柏臺霜氣夜淒淒風動琅璫月向低夢繞雲山心似鹿

魂驚湯火命如雞眼中犀角真吾子身後牛衣愧老妻

百歲神遊定何處桐鄉知葬浙江西

公自注獄中聞杭湖間民為余作解

厄道場者累月故有此句

慎按先生獄中詩向不入正集南宋人詩話

中往往載之多有不同者石林避暑錄未滿  
先償債作未了須還債無歸作無家埋骨作  
藏骨他年作他時眼中作額中百歲作他日  
何處作何所知葬作應在韻語陽秋埋骨亦  
作藏骨捫蝨新語世世作今世吾子作無子  
知葬作知在

十二月二十八日蒙恩責授檢校水部員外郎黃  
州團練副使復用前韻二首

百日歸期恰及春，餘年樂事最關身。  
出門便旋風吹面，走馬聯翩鵲啁人。  
却對酒杯渾是夢，試拈詩筆已如神。  
此災何必深追咎，竊祿從來豈有因。

檢校員外郎

孫彥同職官分紀：檢校兼官也。唐會要：員外郎神龍以後有之。惟皇親戰功之

外不復除授。今則貶責者，然後以員外官處之。

團練副使

職官分紀：國朝節度防禦團練副使

從八品

百日

公以八月十八日出獄，恰滿百日。

樂事

陶潛詩：樂事滿

餘便旋

詩：子之還兮，傳便捷之貌。疏云：便捷本作便旋。

烏臺詩案：御史臺根勘所于十一月三十日結案具狀申奏。差陳睦錄問別無翻異，准勅作匿名文字，嘲



訕朝政及中外臣僚徒二年情重者奏裁准律犯私罪以官當徒者九品以上一官當徒一年據按蘇軾見任祠部員外郎直史館并歷太常博士其蘇軾合追兩官係情重及比附并或以官或以職奉聖旨蘇軾可責授檢校水部員外郎充黃州團練副使本州安置不得簽書公事又按孫君孚談圃云子瞻得罪時有朝士賣一詩策內有使墨君事者遂下獄李定何正臣劾其事以指斥論謂蘇曰學士素有名節何不與他招了蘓曰軾為人臣不敢萌此心却未知何人造此意一日禁中遣馮宗道按獄止貶黃州團練副使此段烏臺詩案所不載附錄于此

平生文字為吾累此去聲名不厭低塞上縱歸他日馬城東不鬪少年雞休官彭澤貧無酒隱几維摩病有妻

堪笑睢陽老從事為余投劾向江西

公自注子由聞予下獄乞以官爵贖

予罪貶筠州監酒

城東鬪雞

城東父老傳云賈昌年七歲明皇名為雞坊小兒長至元和庚寅年九十八矣語太

平事歷歷可聽自言少年以鬪雞媚上上以倡優畜之

維摩有妻

維摩經法喜以為妻注云

法喜謂見法內生喜也世人以妻色為悅菩薩以法喜為悅

慎按十月二十日以下六章施氏原本俱載

遺詩三十一首卷中今據歲月移于此

蘇詩補註卷十九

欽定四庫全書

集部

蘇詩補註卷二十

詳校官庶吉士<sub>臣</sub>李傳熊

檢討<sub>臣</sub>何思鈞覆勘

總校官原任中允<sub>臣</sub>王燕緒

校對官中書<sub>臣</sub>牛稔文

謄錄監生<sub>臣</sub>朱廷傑

欽定四庫全書

蘇詩補註卷二十

翰林院編修查慎行撰

古今體詩六十首

起元豐三年庚申正月赴黃州盡一年作

陳州與文郎逸民飲別攜手河隄上作此詩

白酒無聲滑瀉油醉行隄上散吾愁春風料峭羊角轉  
河水渺綿瓜蔓流君已思歸夢巴峽我能未到說黃州  
此生聚散何窮已未忍悲歌學楚囚

陳州

太平寰宇記自開封府東南至陳州三百十里

黃州

注詳後

文逸民

名務光子

由婿也故呼為文郎按范百祿所撰  
文湖州墓志男五人務光第四子也

子由自南都來陳三日而別

夫子自逐客尚能哀楚囚奔馳二

一作三

百里徑來寬我

憂相逢知有得道眼清不流別來未一年落盡驕氣浮  
嗟我晚聞道款啓如孫休至言難久服放心不自收悟  
彼善知識妙藥應所投納之憂患場磨以百日愁冥頑  
雖難化鑄發亦已周平時種種心次第去莫留但餘無  
所還永與夫子游此別何足道大江東西州畏蛇不下

榻睡足吾無求便為齊安民何必歸故丘

南都來陳

宋州歸德軍宋為南京太平寰宇記自歸德軍西南至陳州二百八十里

善知

識

法華經本事品其善知識能作佛事

種種心

猶俗言般般也施氏原注引左傳余髮種種者

訛

睡足

杜牧之齊安郡詩平生睡足處雲夢澤南州

齊安

元和郡縣志春秋邾地後為黃

國之境蕭齊于此置齊安郡開皇三年罷郡置黃州太平寰宇記淮南道黃州齊安郡唐中和五年移于舊邾城南與武昌對岸東北至東京一千九百里南至武昌縣隔大江北至光州七百里

正月十八日蔡州道上遇雪次子由韻二首

蘭菊有生意微陽回寸根方憂集暮雪復喜迎朝暾憶

我故居室浮光動南軒松竹半傾瀉未數葵與萱三徑  
瑤草合一鉗井花溫至今行吟處尚餘履鳥痕一朝出  
從仕永愧李仲元晚歲並可羞犯雪方南奔山城買廢  
圃槁葉手自掀長使齊安人指說故侯園

蔡州

元和郡縣志漢汝南郡隋自豫州移入懸瓠城  
今理是也大業二年改蔡州東北至陳州二百

六十里東南至光州三百二十里九城志京東西北  
路蔡州汝南郡淮康軍節度領新息新蔡等十縣一

統志今  
汝寧府

井花

杜甫詩兒童汲井  
花慣捷瓶在手

鉛膏染髭鬚旋露霜雪根不如閉目坐丹府夜自嗽誰

知憂患中方寸寓羲軒大雪從壓屋我非兒女豈平生  
學踵息坐覺兩齧溫下馬作雪詩滿地鞭篋痕佇立望  
原野悲歌為黎元道逢射獵子遙指狐兔奔蹤跡尚可

原一作尋蜜穴何足掀寄謝李丞相吾將友丘園

染髭鬚

劉禹錫詩近來時世輕前輩好染髭鬚媚後生

方寸

黃庭經注三丹田各方一寸曰

寸田

慎按藥城集原題云次韻王適雪晴復雪二首其首章用韻不同先生所和皆第二首韻也

附子由原作一首



同雲自成幄飛雪來無根一為清風卷坐見東方  
暎重陰偶復合飛霰滿南軒油然青春意已見出  
土萱老病一不堪惟恃濁酒溫開戶理松菊掃蕩  
無遺痕卷舒朝夕間誰識造化元乾坤本何施中  
有神怪奔萬物極毫末顛倒何足掀老農但知種  
荷鋤理南園

過新息留示鄉人任師中

公自注任時知瀘  
州亦坐事對獄

昔年嘗羨任夫子卜居新息臨淮水怪君便爾忘故鄉

稻熟魚肥信清美竹陂雁起天為黑

公自注小竹陂在縣北

桐柏

烟橫山半紫

公自注桐柏廟在縣南

知君坐受兒女困悔不先歸

弄清泚塵埃我亦失收身此行蹭蹬尤可鄙寄食方將

依白足附書未免煩黃耳往雖不及來有年詔恩倘許

歸田里却下關山入蔡州為買烏犍三百尾

公自注蔡州出水牛

任師中

名伋注見前

新息

元和郡縣志漢新息縣唐武德二年置息州貞觀中廢為縣太

平寰宇記新息縣在蔡州東南一百五十里淮水自西流入經縣南漢書注本息縣其後東徙故加新字

卜居

樂城集云任師中名伋世家眉山吾先君子之友也始為新息令其民愛之買田而居

坐

受兒女困

淮海集瀘州使君任公墓表熙寧五年熊本薦級知瀘州元豐二年納溪砦互市有

毆夷人至死者故事漢人殺夷人既論死仍償其資謂之骨價時砦將欲勿與夷人爭譟公曉以禍福投兵請降而轉運判官意與公異公具奏使者欲貪功生事使者即誣奏公前乞弟過江安不時掩擊疑有私謁朝廷疑之乃先免而下章于他郡各窮究所考未具而公卒

過淮

朝離新息縣初亂一水碧暮宿淮南村已度千山赤麋  
鼯號古戍霧雨暗破驛回頭梁楚郊永與中原隔黃州  
在何許想像雲夢澤吾生如寄耳初不擇所適但有魚

與稻生理已自畢獨喜小兒子少小事安佚相從艱難

中肝肺如鐵石便應與晤語何止寄衰疾

公自注時家在子由處獨

與兒子  
邁南來

淮南邨

元和郡縣志淮水去新息五里自西流入經縣南

雲夢澤

史記司馬相如傳楚

有七澤其小者名雲夢太平寰宇記雲夢澤在安陸縣東南濶數百里南接荊州。慎按左傳邨子之女

棄子于夢中史記楚令尹子文生時父母棄雲中羅子蒼識遺云江北為雲今玉沙監利景陵等縣江南

為夢今公安石首建寧等縣跨江南北總謂之雲夢乃二澤名禹貢爾雅皆言雲夢並舉而言耳舊尚書

雲夢土作又唐太宗得古本尚書作雲土夢作入遂詔從古本  
晤語 詩陳風彼美淑姬可與晤語

書磨公詩後

并引

過加祿鎮南二十五里大許店休馬於逆旅祁宗祥  
家見壁上有幅紙題詩云滿院秋光濃欲滴老僧倚  
杖青松側只怪高聲問不應嗔余踏破蒼苔色其後  
題云淦水僧寶磨宗祥謂余此光黃間狂僧也年百  
三十死於熙寧十年既死人有見之者宗祥言其異  
事甚多作是詩以足之磨公本名清戒俗謂之戒和  
尚云

磨公昔未化來往淮山曲壽逾兩甲子氣壓諸尊宿但  
嗟濁惡世不受龍象蹴我來不及見悵望空遺躅霜顙  
隱白毫鑲骨埋青玉皆云似達摩隻履還西竺壁間餘  
清詩字勢頗拔俗為吟五字偈一洗凡眼肉

鑲骨

續玄怪錄延州有婦人甚有姿色少年悉與狎  
數歲而歿葬道左有胡僧敬禮其墓曰斯乃大

慈悲喜捨俗之欲無不徇焉此即鑲骨菩薩  
衆人開視其骨鈎結皆如鑲狀遂與起塋

遊淨居寺

并引

淨居寺在光山縣南四十里大蘇山之南小蘇山之

北寺僧居仁為余言齊天保中僧惠思過此見父老  
問其姓曰蘇氏又得二山名乃嘆曰吾師告我遇三  
蘇則住遂留結菴而父老竟無有益山神也其後僧  
智顗見思於此山而得法焉則世所謂思大和尚智  
者大師是也唐神龍中道岸禪師始建寺于其地廣  
明庚子之亂寺廢于兵火至乾興中乃復而賜名曰  
梵天云

十載遊名山自製山中衣願言畢婚嫁攜手老翠微不

悟俗緣在失身陷危機刑名非夙學陷穽損積威遂恐  
生死隔永與雲山違今日復何日芒鞋自輕飛稽首兩  
足尊舉頭雙涕揮靈山會未散八部猶光輝願從二聖  
往一洗千劫非徘徊竹溪月空翠搖烟霏鐘聲自送客  
出谷猶依依回首吾家山歲晚將焉歸

淨居

名勝志淨居山在光山  
西南山上有淨居寺

光山縣

元和郡縣志光  
山縣在光州南

三十里本漢西陽縣魏屬弋陽郡宋孝武于  
此立縣光山一名弋山在縣西北八十里

惠思

南

思大禪師行狀師諱慧思武津李氏子依北齊慧聞  
禪師悟入法華三昧時稱思大和尚及領徒南邁值



梁之亂暫止大蘇後居南嶽般若寺為法華三祖釋  
氏稽古畧云初南嶽慧聞探藏經得龍樹大士所造  
中觀論悟旨遂遙禮龍樹為師以法華宗旨授慧思  
思授智者大師智顗顗授灌頂尊者頂授縉雲威縉  
雲傳東陽威東陽傳左溪元朗朗傳湛然  
荆溪尊者通為九祖後世宗之曰天台教智顗僧傳  
智顗字德安姓陳氏年十八投相州果願寺出家後  
詣光州大蘇山慧思禪師受業思每嘆曰昔在靈山  
同聽法華今復來矣即示普賢道場為說四安樂行  
顗乃于此山行法華三昧又入白沙如前入觀于經  
有疑輒見思來冥為披釋後常令代講  
聞者伏之思既遊南嶽顗便詣金陵道岸高僧傳  
唐氏世居潁川為大族永嘉南渡遷于光州出家後  
居會稽龍興寺時號大和尚孝和皇帝召入朝圖形  
于林光宮御製像贊後辭還光州度兩足尊傳燈錄  
人置寺于是祇陀苑圓鬱起僧坊黃葉云

舉足即佛下足即衆生諸佛兩足尊者即理  
足事足衆生足生死足一切等足足故不求靈山會

釋氏稽古畧智者大師初謁大蘇山惠思  
禪師悟法華三昧見靈山一會嚴然未散八部

翻譯名義

一天二龍三夜叉四乾闥婆五阿修羅六迦樓羅七  
緊那羅八摩睺羅皆有大神力能變形在座聽法

二聖

謂惠思與智顗

慎按施氏原注此詩墨蹟今在湖州向  
氏首有淨居二字新刻刪去今補錄

## 梅花二首

春來幽谷水潺潺的皪梅花草棘間一夜東風吹石裂

半隨飛雪度關山

慎按周必大題跋東坡手書梅花二絕元豐三年正月貶黃州道中作一夜手書作昨夜

何人把酒慰深幽開自無聊落更愁幸有清溪三百曲  
不辭相送到黃州

戲作種松

我昔少年日種松滿東岡初移一寸根瑣細如插秧二  
年黃茅下一一攢麥芒三年出蓬艾滿山散牛羊不見  
十餘年

一作十年餘

想作龍蛇長夜風波浪碎朝露珠璣香

我欲食其膏已伐百本桑

公自注煮松脂法用桑柴灰水

人事多乖迂

神藥

一作物

竟渺茫竭來齊安野夾路須髯蒼會開龜蛇

窟不惜斤斧瘡縱未得茯苓且當拾流肪釜盎百出入  
皎然散飛霜槁死三彭仇淖換五穀腸青骨凝綠髓丹  
田發幽光白髮何足道要使雙瞳方却後五百年騎鶴  
還故鄉

慎按雲笈七籤養生家有服  
松脂法此詩後半首本此

萬松亭

并引

麻城縣令張毅植萬松于道周以此行者且以名其

亭去未十年而松之存者十不及三四傷來者之不

嗣其意也故作是詩

十年栽種百年規好德無人助我儀

公自注古語云一

十年之計樹之以木  
百年之計樹之以德

縣令若同倉庾氏亭松應長子孫

枝天公不救斧斤厄野火解憐冰雪姿為問幾株能合

抱殷勤記取角弓詩

萬松

復齋漫錄萬松嶺在關山碧溪詩話麻城縣界  
有萬松連日行清陰中其亭館亦可愛適當關

山路孔武仲詩注云萬  
松治平中張毅所植

麻城

太平寰宇記麻城在黃  
州東北一百七十里本

漢西陵縣地周大象元年置麻城縣名勝志石勒張  
使其將麻秋所築隋以立縣與太平寰宇記不合

毅失考

附孔常父作

鬱鬱青山夾路松行人笑語綠陰中排雲架壑無  
餘地灑面侵襟有好風一日勞心非欲速千年流  
惠亦何窮我來俯仰尋遺愛更喜清虛萬慮空

張先生并引

先生不知其名黃州故縣人本姓盧為張氏所養陽

狂垢污寒暑不能侵常獨行市中夜或不知其所止  
往來者欲見之多不能致余試使人召之欣然而來  
既至立而不言與之言不應使之坐不可但俯仰熟  
視傳舍堂中久之而去夫孰非傳舍者是中竟何有  
乎然余以有思維心追躡其意蓋未得也

熟視空堂竟不言故應知我未天全肯來傳舍人皆說

別本作  
悅者訛

能致先生子亦賢脫屣不妨眠糞屋流澌爭看

浴冰川士廉宣識桃椎妙妄意稱量未必然

故縣

九域志黃州麻城縣有岐亭故縣等六鎮

能致

後漢書陳蕃傳郡人周璆高潔之士前後

郡守招命莫肯至惟蕃能致焉

附子由次韻

得罪南來正坐言道人閉口意深全天游本自有

真樂羿穀誰知定不賢構火暍暍初吐日飛流滾

滾旋成川此心此去如灰冷肯更逢人問復然

初到黃州

自笑平生為口忙老來事業轉荒唐長江繞郭知魚美



好竹連山覺筍香逐客不妨員外置詩人例作水曹郎

只慙無補絲毫事尚費官家壓酒囊

公自注檢校官例折支多得退酒袋

員外置

唐書百官志初太宗省内外官定制為七百三十員然是時已有員外置其後又有特置

同正員至于檢校兼守判知之類非本制也又魏元忠傳令州牧縣宰割削自私而更員外置官古謂之十羊九牧宋史職官志隋唐以來以省臺寺監府衛分庶務以品爵勲階別羣才復有員外之置有檢校試攝判知及諸使之名歷五季不廢唐趙謙光詩惟愁員外置不應列星丈

例作水曹郎

瀛奎律髓何遜張籍孟賓于三詩人皆水部

陳季常所蓄朱陳村嫁娶圖二首

何年顧陸丹青手畫作朱陳嫁娶圖聞道一村惟兩姓  
不將門戶買崔盧

朱陳邨

事詳白氏  
長慶集

我是朱陳舊使君勸農曾入杏花邨而今風物那堪畫

縣吏催錢

一作租

夜打門

陳季常

名慥自號方山子  
陳公弼之少子

杏花邨

名勝志朱陳村距  
蕭縣東南百里杏

花村與朱  
陳村相連

少年時嘗過一村院見壁上有詩云夜涼疑有雨

院靜似無僧不知何人詩也宿黃州禪智寺寺僧  
皆不在夜半雨作偶記此詩故作一絕

佛燈漸暗飢鼠出山雨忽來修竹鳴知是何人舊詩句  
已應知我此時情

慎按潘閬夏日宿西禪寺詩此地絕炎蒸深疑到不  
能夜涼如有雨院靜似無僧枕潤連雲石窗虛照佛  
燈浮生多賤骨時日恐難勝全篇見宋  
文鑑方回瀛奎律髓亦載之今附錄

定惠院寓居月夜偶出

幽人無事不出門偶逐東風轉良夜參差玉宇飛木末

繚繞香烟來月下江雲有態清自媚竹露無聲浩如瀉  
已驚弱柳萬絲垂尚有殘梅一枝亞清詩獨吟還自和  
白酒已盡誰能借不惜青春忽忽過但恐歡意年年謝  
自知醉耳愛松風會揀霜林結茅舍浮浮大甌長炊玉  
溜溜小槽如壓蔗飲中真味老更濃醉裏狂言醒可怕  
閉門一作但當謝客對妻子倒冠落佩從嘲罵

定惠院

名勝志在黃岡縣東南

慎按施氏原注此詩墨蹟在臨川黃樸家嘗刻于發  
倅廳但當謝客墨蹟作閉門謝客此段新刻本刪去

今補錄

次韻前篇

去年花落在徐州對月酣歌美清夜

公自注去年花下對月與張師厚王

子立兄弟飲酒作蘋字韻詩

今年黃州見花發小院閉門風露下萬

事如花不可期餘年似酒那禁瀉憶昔扁舟汴巴峽落

帆樊口

公自注在黃州南岸

高桅亞長江袞袞空自流白髮紛紛

寧少借竟無五畝繼沮溺空有千篇凌鮑謝至今歸計

負雲山未免孤衾眠客舍少年辛苦真食蓼老境安作

清

閒如啖蔗飢寒未至且安居憂患已空猶夢怕穿花  
踏月飲村酒免使醉歸官長罵

附子由次韻二首

樂城集題云次子瞻夜字韻作中秋對月二篇一以贈王郎一

以寄子瞻

平明坐曹黃昏歸終歲得閒惟有夜已邀明月出  
牆東更遣清風掃庭下城上青鬟四山合門前白  
練長江瀉誰家高會吹參差鄰婦悲歌春罷亞二  
年憂患今已過一夕清光天所借西京詩句出蘇

李南國風流數王謝已隨孤棹去中原肯顧新科  
求上舍讀書本自比嵇鍬學劍要須問曹蔗清觴  
灑灑君莫違佳句駸駸余已怕狂夫猖狂終累人  
不返行遭親黨罵

十年秋月照相思相從祇有彭門夜露侵笳鼓思  
城闕寒迫魚龍舞潭下厭厭夜飲歡自足落落襟  
懷向人瀉秋深河來巨野溢水乾樓起滕王亞北  
海孔公雖好客河內寇君那得借是非朝野忽紛

紆得喪芳菲一開謝明月多情還入戶流水何知  
空繞舍晨餐江市富鱸魴夜宿山邨足梨蔗坐隅  
鵬鳥不須問牆外蝮蛇猶足怕婁公見唾行自乾  
馮老尚多誰定罵

附李端叔次韻二首

姑溪集題云常愛東坡去年  
花落任徐州二詩因即其韻

聊記  
目前

老來不慣離家久獨臥一床今八夜抓搔十爪垢  
已滿降伏千魔心未下熒熒病眼日更昏皎皎孤



懷誰與瀉恨無蠻帳與睡俱獨有筇枝伴身亞華  
嚴性海每深味兆率陀天聊復借平生好書陋顏  
柳近日作詩幾沈謝百年旅夢行將覺萬事家園  
猶未舍妄緣倘或未嘗膽佳境安能如食蔗從來  
少味燕偏知早已忘機鼠休怕行當遂作重屏圖  
關葦凡材任譏罵

自注世圖白老  
謂之重屏圖

良宵明月為誰好記得初來正今夜城頭火客略  
不斷花下鵲棲驚欲下更深未覺單衣怯風細只

疑清露瀉漂流南北心已老  
綿歷間關身自亞傷心黃卷  
不相契過眼青春難更借那  
知交臂輒深扁鵲學問缺一字  
誰與謝家書杳邈隔重嶺客  
飯酸醎真傳舍殷勤兒女到  
雙鯉璀璨肴蔬勝木蔗定知  
何日遂能歸却憶今朝真可  
怕解衣就枕已多三喘咄多  
言翻自罵

安國寺浴

老來百事嬾身垢猶念浴衰  
髮不到耳尚煩月一沐山

城足薪炭烟霧蒙湯

一作陽

谷塵垢能幾何翛然脫羈梏

披衣坐小閣散髮臨修竹心困萬緣空身安一牀足豈

惟忘淨穢兼以洗榮辱默歸毋多談此理觀要熟

安國寺

本集黃州安國寺記云城南精舍曰安國寺有茂林修竹陂池亭榭寺僧曰繼連寺立于

偽唐保大二年始名護國嘉祐八年賜今名堂宇齋閣連皆新易之嚴麗深穩悅可人意至者忘歸

安國寺尋春

臥聞百舌呼春風起尋花柳村村同城南古寺修竹合

小房曲檻欹深紅看花歎老憶年少對酒思家愁老翁

病眼不羞雲母亂鬢絲強理茶烟中遙知二月王城外  
玉仙洪福花如海薄羅勻霧蓋新粧快馬爭風鳴雜珮  
玉川先生真可憐一生耽酒終無錢病過春風九十日  
獨抱添丁看花發

王城

指開封也王氏注謂洛陽者謬

玉仙

孟元老東京夢華錄玉仙觀在開封城南苔溪漁隱

叢話玉仙觀在宣化門外八里仁宗朝陳道士所修葺花木亭臺四時遊客不絕東坡詩所謂玉仙洪福花如海

是也

洪福

汴京遺跡志洪福寺有二其一在開封城西金水河北其一在城東北沙窩岡

寓居定惠院之東雜花滿山有海棠一株土人不

知貴也

江城地瘴蕃草木只有名花苦幽獨嫣然一笑竹籬間  
桃李漫山總麤俗也知造物有深意故遣佳人在空谷  
自然富貴出天姿不待金盤薦華屋朱唇得酒暈生臉  
翠袖卷紗紅映肉林深霧暗曉光遲日暖風輕春睡足  
雨中有淚亦悽愴月下無人更清淑先生飽食無一事  
散步逍遙自捫腹不問人家與僧舍拄杖敲門看修竹  
忽逢絕艷照衰朽歎息無言揩病目陋邦何處得此花

無乃好事移西蜀寸根千里不易致

一作到

銜子飛來定

鴻鵠天涯流落俱可念為飲一樽歌此曲明朝酒醒還  
獨來雪落紛紛那忍觸

慎按魏淳甫詩人玉屑云東坡海棠詩辭格超逸不復蹈襲前人平生喜為人寫蓋人間刊石者自有五六本生平得意詩也

附趙次公和韻

次公名夔此詩載南宋人陳思海棠譜中

化工妙手開羣木酷向海棠私意獨殊姿豔豔雜  
花裏端似神仙在流俗睡起胭脂嬾未勻天然膩

理還豐肉繁華增麗態度遠婀娜含嬌風韻足豈  
惟婉孌彤管姝真同窈窕關雎淑未能奔往白玉  
樓要當貯以黃金屋顧雖風暖欲黃昏脉脉難禁  
倚修竹可憐俗眼不知貴空抱容光照山谷此花  
本出西南地李杜無詩恨遺蜀高才沒世孰雕龍  
後輩補亡難刻鵠貂裘季子客齊安相逢忽慰羈  
人目當年甫白君可繼為花重賦陽春曲把酒因  
澆壘塊胸搜句輒傾空洞腹多情恐作絳雲收兒

童莫信來輕觸

次韻樂著作野步

老來幾不辨西東，秋後霜林且降紅。  
眼暈見花真是病，耳虛聞蟻定非聰。  
酒醒不覺春強半，睡起常驚日過中。  
植杖偶逢為黍客，披衣閒咏舞雩風。  
仰看落蕊收松粉，俯見新芽摘杞叢。  
楚雨還昏雲夢澤，吳潮不到武昌宮。  
公自注：黃州對岸武昌縣有孫權故宮。廢興古郡詩無數，寂寞閒窗易粗通。  
解組歸來成二老，風流他日與君同。



樂著作

宋史樂京荆南人在鄉以行義聞用薦為校書郎神宗初知長葛縣不奉助役法乞去坐

奪官經十年乃復監黃州酒稅後以承議郎致仕。

慎按先生初至黃正樂京監酒稅時也校書郎與著

作郎同隸秘書

楚雨

李商隱詩楚雨含情皆有托

武昌宮

名勝志吳王城

省故得通稱

在武昌縣東一里周四百八十步有五門北臨大江

城內有安樂宮宮前有御溝水流為牧馬港官殿

故基今為天王殿相傳南樓

易粗通

粗上聲先生在黃州著易傳九

卷

二月二十六日雨中熟睡至晚強起出門還作此

詩意思殊昏昏也

卯酒困三杯午餐便一肉雨聲來不斷睡味清且熟昏  
昏覺還臥展轉無由足強起出門行孤夢猶可續泥深  
竹雞語村暗鳩婦哭明朝看此詩睡語應難讀

雨晴後步至四望亭下魚池上遂自乾明寺前東  
岡上歸二首

雨過浮蘋合蛙聲滿四鄰海棠真一夢梅子欲嘗新桂  
杖閒挑菜鞦韆不見人殷勤木芍藥獨自殿餘春

高亭廢已久下有種魚塘暮色千山入春風百草香市

橋人寂寂古寺竹蒼蒼鶴鶴來何處號鳴滿夕陽

四望亭

名勝志四望亭在雪堂南高阜之上。按濠州亦有四望亭唐太和中刺史劉嗣之所立

李紳作記曹學佺記引此條不足據也

雨中看牡丹

霧雨不成點映空疑有無時于花上見的皪走明珠秀色洗紅粉暗香生雪膚黃昏更蕭瑟頭重欲相扶

的皪

上林賦宜笑的皪

明日雨當止晨光在松枝清寒入花骨肅肅初自持午

景發濃豔一笑當及時依然暮還斂亦自一作惜幽姿

慎按施氏原注午景發濃豔集本作濃麗今從墨蹟

幽姿不可惜後日東風起酒醒何所見金粉抱青子千

花與百草共盡無妍鄙未忍汙泥沙牛酥煎落蘂

慎按施氏原注此三詩墨蹟在玉山汪氏嘗摹刻之後題云黃州天慶觀牡丹三首新刻刪去今補錄

### 次韻樂著作送酒

少年多病怯杯觴老去方知此味長萬斛羈愁都似雪

一壺春酒若為湯

湯雪

後漢書皇甫嵩傳折枯消堅甚于湯雪

次韻樂著作作天慶觀醮

濁世紛紛肯下臨夢尋飛步五雲深無因上到通明殿

只許微聞玉珮音

天慶觀

本集先生在黃州與秦少游尺牘云謫居無事借得本州天慶觀道堂三間冬至後入此

室四十九日乃出自非故廢安得就此

王齊萬秀才寓居武昌縣劉郎洑正與伍洲相對

伍子胥奔吳所從渡江也

君家稻田冠西蜀，擣玉揚珠三萬斛。  
塞江流，杪起書樓碧瓦朱欄照山谷。  
傾家取樂，不論命散盡黃金如轉燭。  
惟餘舊書一百車，方舟載入荆江曲。  
江上青山亦何有，伍洲遙望劉郎藪。  
明朝寒食當過君，請殺耕牛壓私酒。  
與君飲酒細論文，酒酣訪古江之濱。  
仲謀公瑾不須弔。

一醉波神英烈君

公自注杭州伍子胥廟封英烈王

王齊萬寓居

齊萬字文甫嘉州犍為人見本集與秦少游尺牘能改齋漫錄云王丈甫所居

在黃之車湖即車武子故居宅枕大江即散花洲也

武昌縣

水經注江之右岸有鄂縣故城舊樊楚也

九州記曰鄂今武昌也元和郡縣志武昌在鄂州東北一百七十里三國吳改江夏縣後為武昌與地廣

記孫權初都此黃初三年改為武昌縣李燾鄂州南樓記云孫氏更名漢鄂曰武昌今州東武昌縣是也

劉郎洑十道志劉郎浦在荊州圖經亦云在石首縣不言在武昌名勝志舊傳孫權迎蜀先主于

此或曰舊名流伍洲吳越春秋伍員奔吳到昭關追浪記為劉郎者在後至江有漁父乘船汴江

而上子胥呼之曰漁父渡我子胥入船漁父知其意乃渡之于渚之津既渡解百金之劍以贈漁父不受

齊安拾遺伍洲與解劍亭相對而水經注則云江中有五洲相接故以為名宋孝武舉兵江州建牙洲上

即是洲也據此則伍當作五存以備考又何遜詩曉言還九派回艫出五洲書樓本集有

氏書樓詩仲謀公瑾三國志孫權字仲謀二十五年見第一卷都鄂改名武昌周瑜字公瑾孫

策以瑜為中護  
軍領江夏太守

杜沂游武昌以酴醾花菩薩泉見餉二首

酴醾不爭春寂寞開最晚青蛟走玉骨羽蓋蒙珠幃不  
粧豔已絕無風香自遠淒涼吳宮闕紅粉埋故苑至今  
微月夜笙簫來翠巘餘妍入此花千載尚清婉怪君呼  
不歸定為花所挽昨宵雷雨惡花盡君應返

杜沂

失考

酴醾花

詩話總龜本酒名也新開花本以顏色似之故名山谷有名字因壺酒風

流付枕

菩薩泉

本集菩薩泉銘序云陶侃為廣州刺史有漁人見神光海上侃使人跡之



得金像阿育王所鑄大殊師利像也初送武昌寒溪寺後惠遠迎歸廬山今寒溪少西數百步為西山寺有泉出嵌竇間色白而甘號菩薩泉豈昔像之所在乎

君言西山頂自古流白泉上為千牛乳下有萬石鉛不  
媿惠山味但無陸子賢願君揚其名庶托文字傳寒泉  
比吉士清濁在其源不食我心惻于泉非所惠嗟我本  
何有虛名空自纏不見子柳子餘愚污谿山

西山

名勝志西山即樊山也在武昌縣西三里世傳孫權嘗獵此山見一老姥曰我樊噲母也魏將

伐吳當助一戰後果有赤壁之捷因立廟祀之以名其山按春秋後語云鄂渚樊楚則樊山之名亦不起

于三  
國

陳季常自岐亭見訪郡中及舊州諸豪爭欲邀致  
之戲作陳孟公詩一首

孟公好飲寧論斗醉後關門防客走不妨閒過左阿君  
百謫終為賢太守老居間里自浮沉笑問伯松何苦心  
忽然載酒從陋巷為愛揚雄作酒箴長安富兒求一過  
千金壽君君笑唾汝家安得客孟公從來只識陳驚坐

岐亭

太平寰宇記岐亭在麻城西北八十里唐武德  
三年于縣置亭州取此為名九域志淮南西路

黃州治黃岡縣麻城在縣  
北一百七十里有岐亭鎮

游武昌寒谿西山寺

連山蟠武昌翠木蔚樊口我來已百日欲濟空搔首坐  
看鷗鳥沒夢逐麝麝走今朝橫江來一葦寄衰朽高談  
破巨浪飛屨輕重阜去人曾幾何絕壁寒溪吼風泉兩  
部樂松竹三益友徐行欣有得芝朮在蓬莠西上九曲  
亭衆山皆培塿却看江北路雲水渺何有離離見吳宮  
莽莽真楚藪空傳孫郎石無復陶公柳爾來風流人

惟有漫浪叟買田吾已決乳水况宜酒所須修竹林深處安井臼相將踏勝絕更裏三日糗

寒溪西山寺

太平寰宇記樊山在鄂州西一百七十三里山下寒溪歲暑之月亦有寒氣子

由記云武昌諸山中有浮圖精舍西曰西山東曰寒溪

樊口

水經注江水右得樊口名勝志樊山

下為樊口亦名樊港控湖

九曲亭

子由九曲亭記云將適西山行于松

澤九十九泉南匯入江

栢之間羊腸九曲而獲少平有廢亭焉子瞻與客入山相與營之亭成而西山之勝始具

吳宮

名勝

志吳王避暑宮在寒

溪上今圓通閣是也

西山戲題武昌王居士

并引

予往在武昌九曲西山亭上有題一句云玄鴻橫號  
黃櫨峴九曲亭即吳王峴山一山皆櫨葉其旁即元  
結陂湖也荷花極盛因為對云皓鶴下浴紅荷湖座  
客皆笑同請賦此詩

江干高居堅關扃耕躬稼角挂經篙竿繫舸菰茨隔  
笳鼓過軍鷄狗驚解襟顧影各箕踞擊劍賡歌幾舉觥  
荆筭供膾愧攪聒乾鍋更戛甘瓜羹

漫叟詩話東坡作吃語詩山谷亦有戲題詩二老亦  
作詩戲耶外紀云古之口吃難言者如周昌韓非鄧

艾之徒皆載史傳東坡  
此詩亦緣是善謔耳

慎按此詩施氏原本不載今從續補遺詩卷

中因地改編

武昌銅劍歌

并引

供奉官鄭文嘗官于武昌江岸裂出古銅劍文得之  
以遺余冶鑄精巧非鍛冶所成者

雨餘江清風卷沙雷公躡雲捕黃蛇蛇行空中如枉矢

電光

一本亦作雷公

煜煜燒蛇尾或投以塊鏗有聲雷飛上天

蛇入水水上青山如削鐵神物欲出山自裂細看兩脅  
生碧花猶是西江老蛟血蘇子得之何所為崩緱彈鋏  
咏新詩君不見凌烟功臣長九尺腰間玉具高挂頤

銅劒

周密雲烟過眼錄與施氏注所引廣異記大同  
小異今錄于此昔漁者于江濱見雷公逐一黃

小蛇擊殺之化為劒背有八字許旌陽  
斬蛟第三劒蓋至寶也今在張伯雨處

定惠院顓師為余竹下開嘯軒

啼鳩催天明喧喧相

一作更

詆譙

一作誚

暗蛩泣夜永唧唧

自相弔飲風蟬至潔長吟不改調食土蚓無腸亦自終

夕叫爲貪聲最鄙鵲喜意可料皆緣不平鳴慟哭等嬉

嘻

一作

笑阮

一作嵇

生已

一作阮

粗率孫子亦未妙道人開此

軒清坐默自照衝風振河海不能號無竅累盡吾何言

風來竹自嘯

衝風

楚詞九歌衝風起兮水橫波

周並公題跋云喧喧更詆誚更字下注平聲而集本改作相詆譙嘻笑之下自添一聯云嵇生阮粗率孫子亦未妙按阮籍遇孫登與商畧終古及棲神導氣之術登皆不應籍長嘯而退行至半嶺聞有聲若鸞鳳響振巖谷乃登長嘯也嵇康雖有永嘯長吟之句特言志耳其用阮對孫無疑某每校前賢遺文不敢



專用手書及石刻  
恐後來自改定也

石芝

井引

元豐三年五月十一日癸酉夜夢游何人家開堂西  
門有小園古井井上皆蒼石石上生紫藤如龍蛇枝  
葉如赤箭主人言此石芝也余率爾折食一枝衆皆  
驚笑其味如雞蘇而甘明日作此詩

空堂明月清且新幽人睡息來初勻了然非夢亦非覺  
有人夜呼初孔賓披衣相從到何許朱欄碧井開瓊戶

忽驚石上堆龍蛇玉芝紫筍生無數鏘然敲折青珊瑚  
味如蜜藕和雞蘇主人相顧一撫掌滿堂坐客皆胡盧  
亦知洞府嘲輕脫終勝嵇康羨王烈神山一合五百年  
風吹石髓堅如鐵

雞蘇

本草水蘇一名雞蘇其葉辛香可以烹雞故名  
多生水旁南人多以作菜嫩溫無毒久服通神

明輕身耐老石門題跋云雞蘇本龍腦薄荷也東吳  
林下人夏月多以飲客而俗人不知私議東坡誤用

雞蘇為紫蘇

王烈

神仙傳王烈字長休邯鄲人常服  
黃精及鉛嵇叔夜甚敬愛之共入

可發一笑

山游戲採藥後烈獨之太行山中見山破石裂數百  
丈兩畔皆是青石石中有一穴青泥流出如髓烈取

泥試丸之隨手堅凝氣如粳米飯攜歸與叔夜取而視之已成青石即與烈再往視之斷山復合如故烈語弟子曰叔夜未合得道故也

附子由次韻

雞鳴東海朝日新光蒙洲島霧雨勻一晞石上徧生耳幽子自食無來賓寄書乞取久未許箬籠蕉

囊海神戶

自注戶止也左傳屈蕩戶之

一掬誰令墮我前無為

知我超其數此身不願清廟瑚但願歸去隨樵蘇  
龜龍百歲豈知道養氣千息存其胡塵中學仙定

難脫夢裏食芝空酷烈中山軍府安得閒更試朝霞磨鏡鐵

今年正月十四日與子由別于陳州五月子由復至齊安以詩迎之

驚塵急雪滿貂裘  
淚灑東風別宛丘  
又向邯鄲枕中見  
却來雲夢澤南州  
睽離動作三年計  
牽挽當為十日留  
早晚青山映黃髮  
相看萬事一時休

附子由次韻

西歸猶未有菟裘擬就南遷買一丘舟楫自能通  
蜀道林泉真欲老黃州魚多釣戶應容貰酒熟鄰  
翁便可留從此莫言身外事功名畢竟不如休

遷居臨臯亭

我生天地間一蟻寄大磨區區欲右行不揀風輪左雖  
云走仁義未免違一作寒餓劍米有危炊鍼氈無穩坐

豈無佳山水惜眼風雨過歸田不待老勇決凡幾個幸  
茲廢棄餘疲馬解鞍馱全家占江驛絕境天為破飢貧

相乘除未見可弔賀澹然無憂樂苦語不成些

蘇个切

臨臯亭

許端夫齊安拾遺云夏漢口之側本水驛有亭曰臨臯名勝志臨臯館在黃州朝宗門外

其上有快哉亭縣令張夢得建子由記畧云亭之所見南北百里東西一舍晝則舟楫出入于其前夜則魚龍悲嘯于其下西望武昌諸山岡陵起伏草木行列烟消日出漁父樵夫之舍皆可指數

曉至巴

一本有河字

口迎子由

去年御史府舉動觸四壁幽幽百尺井仰天無一席隔  
牆聞歌呼自恨計之失留詩不忍寫苦泪漬紙筆餘生  
復何幸樂事有今日江流鏡面淨

一作靜

烟雨輕幕幕孤

舟如鳬鷺點破千頃碧聞君在磁湖欲見隔咫尺朝來

好風色旗脚

一作尾

西北擲行當中流見笑眼清光溢此

邦疑可老修竹帶泉石欲買柯氏林茲謀待君必

巴口

水經注水出雩婁縣之下靈山即大別山也亦或曰巴山南歷蠻中吳時舊立屯于水側引巴

水以溉野又南逕巴水戍

南流注于江謂之巴口

磁湖

輿地廣記大冶縣有磁湖名勝志磁山在

縣東四十里磁湖側磁湖者以旁岸多磁石故名

藥城集云舟次磁湖以風浪留二日即此地也

與子由同游寒溪西山

散人出入無町畦朝游湖北暮淮西高安酒官雖未上

兩脚垂欲穿塵泥與君聚散若雲雨共惜此日相提携  
千搖萬兀到樊口一箭放溜先鳬鷺層層草木暗西嶺  
瀏瀏霜雪鳴寒谿空山古寺亦何有歸路萬頃青玻瓈  
我今漂泊等鴻雁江南江北無常棲幅巾不擬過城市  
欲踏徑路開新蹊公自注路有直入寒溪不過武昌者却憂別後不忍到  
見子行迹空餘悽吾儕流落豈天意自坐迂濶非人擠  
行逢山水輒羞嘆此去未免勤鹽齏何當一遇李八百  
公自注李八百宅在筠州相哀白髮分刀圭



高安

輿地廣記筠州自唐以前屬洪州南唐李景置筠州領高安等三縣太平寰宇記筠州理高安

縣唐武德五年置靖州七年改米州又改筠州宋名高安郡與輿地廣記不同按今江西瑞州府也惜

此日

韓愈詩此日足可惜新蹊詩行道兌矣傳兌成蹊也疏云蹊者先無行道初為徑路之名

名勝志萬松山在樊山北臨江松陰夾道特為幽邃有路直入寒溪山下之捷徑也李八百宅

歐陽守道碧落堂記畧云高安郡于江西稱道院相傳為上古仙人李八百修煉之所至治瑞陽志仙洞在州治後園即李八百棲隱處楊廷秀詩李真宅子故依然道院西偏古洞前即此地矣

附子由作

千里到齊安三夜語不足勸我勿重陳起游西山

麓西山隔江水輕舟亂鳬鷺連峯多迴溪盛夏富  
草木杖策看萬松流汗升九曲蒼茫大江湧浩蕩  
衆山蹙上方寄雲端中寺倚巖腹清泉類牛乳煩  
熱須一掬縣令知客來行庖映脩竹黃鵝特新煮  
白酒亦近熟山行得一飽看盡千山綠幽懷苦不  
遂滯念每煩促歸舟浪花暝落日金盤浴妻孥寄  
九江此會難再卜君看孫討虜百戰不搖目猶憐  
江上臺高會飲千斛巾冠墮臺下坐使張公哭異

時君再來攜被山中宿

次韻答子由

平生弱羽寄衝風  
此去歸飛識所從  
好語似珠穿一一  
妄心如膜退重重  
山僧有味寧知子  
瀧吏無言只笑儂  
尚有讀書清淨業  
未容春睡敵千鐘

附子由原作

慙愧江淮南北風  
扁舟千里得相從  
黃州不到六  
十里白浪俄生  
百萬重自笑一  
生渾類此可憐萬

事不由儂夜深魂夢先飛去風雨對牀聞曉鐘

武昌酌菩薩泉送王子立

一本題云武昌別王子立

送行無酒亦無錢勸爾一杯菩薩泉何處低頭不見我  
四方同此水中天

慎按此詩施氏原本不載据外集在黃州作  
藥城集王子立隨子由赴高安此時必同至  
黃故連類附編于此

和何長官六言

一本有次韻  
五首四字

作邑君真伯厚去官我豈曼容一廬願託仁政六字難  
賡變風

何長官

名失考

五噫已出東洛三復願比南容學道未逢潘盎

公自注南海謂

狂為盎潘近世得道者也

草書猶似楊風

潘盎

名冕本集趙先生舍利記云南海有潘冕者陽狂不測人謂之潘盎嘗與京師言法華偈頌往

來言云盎日光佛也趙先生嘗從盎遊盡得其道。慎按潘盎事詳見江少虞事實類苑中懷智高之叛

在皇祐四年施氏新注引王注謂元祐中者記

石渠何須反顧水驛幸足相容  
長江大欲見庇探支八月涼風

水驛

即臨臯亭也注見前  
別本作水澤者訛

清風初號地籟明月自寫天容  
貧家何以娛客但知抹月披風

青山自是絕色無人誰與為容  
說向市朝公子何殊馬耳東風

觀張師正所蓄辰砂

將軍結髮戰蠻溪篋有殊珍勝象犀漫說玉牀收

一作分

箭鏃何曾金鼎識刀圭近聞猛士收丹穴欲助君王鑄  
裏號多少空巖人不見自隨初日吐虹蜺

張師正

玉壺清話張師正字不疑初為辰帥熙寧中復帥鼎州著括異志倦游錄江少虞事實類

苑云師正英宗朝為荊州鈐轄楊文公談苑張師正本進士換武為遙郡防禦使亦能詩其佳句云蝸角功名時不與澗松材縣老甘休分

辰砂

范成大桂海志宜州出砂

鹿是非皆委夢落花貴賤不由人

處與湖北犬牙山相連北為辰砂南為宜砂江少虞事實類苑辰州硃砂佳者出蠻峒錦州界老鴉井其

井深廣十丈欲取必先聚薪于井令滿以火燎之石壁迸裂入火者既化為烟其偶存在壁者方得之乃

青色朱輔溪蠻叢笑辰砂以錦砂  
為最良麻陽古錦州也舊隸辰郡  
玉牀箭鏃事實類苑云頑

石有砂處即有小龕中坐白石牀如玉牀上乃坐丹  
砂小者如箭鏃大者如芙蓉研之如猩血砂洎牀大  
者重七八斤價十萬小者五六萬亦有赤色  
如箭鏃而帶石者得自土中非此之比也  
猛士收

丹穴

宋史神宗本紀熙寧九年章惇招降五溪蠻遂  
城下溪州元豐三年五月復命韓存寶經制瀘

州納夷

五禽言

并引

梅聖俞嘗作四禽言余謫黃州寓居定惠院遶舍皆  
茂林脩竹荒池蒲葦春夏之交鳴鳥百族土人多以



其聲之似者名之遂用聖俞體作五禽言

使君向蘄州更唱蘄州鬼我不識使君寧知使君死人

生作鬼會不免使君已老知何晚

公自注王元之自黃移蘄州聞啼鳥問其

名或對曰此名蘄州鬼元之惡之果卒于蘄

使君向蘄州

宋史王禹偁字元之鉅野人九歲能文擢進士真宗朝歷知制誥咸平初出知

黃州四年徙蘄州禹偁上表謝有宣室鬼神之間敢望生還茂陵封禪之書止期身後之語果至郡未踰月而卒年四十八所著名小畜集元和郡縣志漢蘄春縣地後置郡周平淮南改曰蘄州去黃州二百三

里十

昨夜南山雨西溪不可渡溪邊布穀兒勸我脫破褲不

辭脫褲溪水寒水中照見催租瘢

公自注土人謂布穀為脫却破袴

去年麥不熟挾彈規我肉今年麥上場處處有殘粟豐

年無象何處尋聽取林間快活吟

公自注此鳥聲云麥飯熟即快活

力作力作蠶絲一百箔墮上麥頭昂林間桑子落願儂

一箔千兩絲繅絲得蛹飼爾雛

公自注此鳥聲云蠶絲一百箔

姑惡姑惡姑不惡妾命薄君不見東海孝婦死作三年

乾不如廣漢龐姑去却還

公自注姑惡水鳥也俗云婦以姑虐死故其聲云

附梅聖俞四禽言

泥滑滑苦竹岡雨蕭蕭馬上郎馬蹄凌兢雨又急  
此鳥為君應斷腸

婆餅焦兒不食爾父向何之爾母山頭化為石山  
頭化石可奈何遂作微禽啼不息

提胡蘆沽美酒風為賓樹為友山花撩亂目前開  
勸爾一杯千萬壽

不如歸去春山云暮萬水兮參天蜀天一作山兮何

處人言有翼可歸飛安用悲啼向高樹

慎按梅詩已載施注新  
刻例當附見故仍采錄

次韻子由病酒肺疾發

憶子少年時肺病

一作喘

疲坐臥喊呀或終日勢若風雨

過虛陽作浮漲客冷仍下墮妻孥恐悵望膾炙不登坐

終年禁晚食半夜發清餓胃強鬲苦滿肺斂腹輒破三

彭恣啖嚙二豎肯遁播寸田可治生誰勸耕黃稌

公自注新

法方田謂黃稌為上腴

探懷得真藥不待君臣佐初如雪花積漸

作櫻桃

一作珠

大隔牆

一作壁

聞三巘隱隱如轉磨自茲失

故疾陽唱陰輒和神仙多歷試中路或坎坷平生不盡

器痛飲知無奈

一作那

舊人眼看盡老伴餘幾個殘年一

斗粟待子同春簸云何不自珍醉病又一挫真源結梨棗世味等糠莖耕耘當待獲願子勤自課相將賦遠游仙語不用些

附子由原作

朝蒙麴塵居夜傍糠牀臥鼻香黍麥熟眼亂餅罌

過囊中衣已空口角涎虛墮啜嘗未云足恣醕恐  
深坐使君信寬仁高會慰寒餓西樓適新成明月  
猶半破擁簷青山橫拂檻流水播雕盤貯霜實銀  
盞薦秋稹共言文字歡豈待紅裙佐惟知醞醕滑  
不悞一作頗羅大夜歸肺增漲晨起脾失磨清懷  
忽牢落藥餌費調和衰年足奇窮一醉仍坎壈清  
尊自不惡多病欲何奈聞公話少年舉白不論個  
歌吟雜嘲謔笑語爭掀簸平明起相視銳氣曾未

挫達人遺形骸駑馬懷豆莖不知逃世網但解憂  
歲課不見獨醒人終費招魂些

鐵拄杖

并引

柳真齡字安期閩人也家寶一鐵拄杖如柳栗木牙  
節宛轉天成中空有簧行輒微響柳云得之浙中相  
傳王審知以遺錢鏐鏐以賜一僧柳偶得之以遺余  
作此詩謝之

柳公手中黑蛇滑千年老根生乳節忽聞鏗然爪甲聲

四坐驚顧知是鐵含簧腹中細泉語迸火石上飛星裂  
公言此物老有神自昔閩王餉吳越不知流落幾人手  
坐看變滅如春雪忽然贈我意安在兩脚未許甘衰歇  
便尋轍迹訪崆峒徑渡洞庭探禹穴披榛覓藥采芝菌  
刺虎鏃蛟擲蛇蝎會教化作兩錢錐歸來見公未華髮  
問我鐵君無恙否取出摩挲向公說

閩王

五代史閩世家王審知字信通光州固始人兄潮本縣吏唐末為福建觀察使以審知為副使

乾寧四年潮卒審知代立唐以福州為武威軍拜審知為節度使封琅邪王梁太祖時加拜中書令封閩



王


附子由和

截竹為杖瘦且輕石堅竹破誤汝行削木為杖輕  
且好道遠水折恐不到閩君鐵杖七尺長色如黑  
蛇氣如霜提攜但恐汝無力撞堅遇險安能傷柳  
公雖老尚強健閉門却掃不復將知公足力無險  
阻憐公未有登山侶回生四海惟一身袖中長劍  
為兩人洞庭漫天不覺過半酣起舞驚鬼神願公

此杖亦如此適意遨游日千里歸來倚壁示時人  
海外蒼茫空自記

與潘三失解後飲酒

千金敝帚人誰買半額蛾眉世所妍顧我自為都眊  
憐君欲鬪小嬋娟青雲豈易量他日黃菊猶應似去年  
醉裏未知誰得喪滿江風月不論錢



蘇詩補註卷二十